

CLARISSIMO VIRO;
IN PRAXI FELICISSIMO,
HENRICO MICHAELI
MISSA,



SALUBERRIMÆ Facultatis Medicinæ Parisiensis Doctori-Regenti,
antiquo Regis exercituum in Germaniâ Medico, Regii Me-
dicorum Nanceianorum Collegii Socio honorario, Regiæ
Scientiarum Academiæ Catalaunensis Socio, Censori Regio,
nec non hujusce actus Præsidi.

*SUPERVACANEUM existimo, VIR CLARISSIME, beneficia recensere quibus tua me artis Medicæ prima saluantem li-
mina, humanitas excepit, & constanter in hunc usque diem pro-
sequita est. Ante enim aliquis dixerit millia ægrotantium quibus ars
tua salutifera, luce frui, firmâque gaudere valetudine concessit,
quam ego, quibus me cumulaſti favores assiduos. Non secus ac sedula
mater quam sobolis cura tenet sollicitam, incertos firmasti gressus,
meque per difficiles salebrosasque semitas artis, amica manu de-
duxisti. Exquisiti judicii simul & experientiæ facem præ me ferens,
lapsus prævertisti graves, neque me ab observationis recto tramine
sivisti declinare.*

*Unam mihi tot beneficiis parem me præbere liceat! Quod qui-
dem aliter per me non posse fieri arbitratus sum, quam si omni
ope atque opera in ejus scientiæ studium incumberem, ad cujus pro-*

movendum decus acriter elaborasti; ratus scilicet tibi hujusce laboris
mei qualemcumque fructum fore non injucundum. Tibi ergo dica-
rum volo, tibi confecro tibi laudem illius, si qua dabitur conati-
bus, omnem acceptam refero. Debitam fateor; non aliter quidem
rivuli qui per amœnos campos aquas ducunt pellucas, maternum
libenter fontem agnoscunt. Dum autem hos animi mei sensus ex-
plico, *VIR CLARISSIME*, non mea tantum res agitur sed
& fratris charissimi tuis curis ad proxim Medicam informati, nec-
non parentum dilectissimorum; amoris æmuli summiq; studii quod
mecum tibi meritò devovère fidus interpret;

Devotissimus & obsequentissimus servus,
TUSSANUS CL. NIC. NAVIER,
Doct̃or Medicus Remensis, necnon
Medicus Parisiensis.



QUÆSTIO MEDICA,

QUOD LIBETARIIS DISPUTATIONIBUS

manè discutienda in Scholis Medicorum, die Jovis decimâ-nonâ
mensis Februarii, anno Domini M. DCC. LXXVIII.

M. HENRICO-MICHAELE MISSA, antiquo Regis Exercituum in
Germaniâ Medico, Regii Medicorum Nanceianorum Collegii Socio honorario,
Regiæ Scientiarum Academiæ Catalaunensis Socio, Censore Regio, M. LAUREN-
TII-CHAUMONT SABATIER vices gerente, Doctore Medico Præfide.

An Variis Chronicis variæ Hepatis sulphurei species?

I.



MNES Chronicorum causas ad quatuor capita facilè revoca-
veris. In priori recenseas obstructionem lentam vasorum tam san-
guineorum quam lymphaticorum, glandularum, & quidquid læsio-
nes id genus potest inferre corpori; qualia sunt spissitudo lymphæ,
secretiones quædam retentæ, bilis scilicet, perspiratio, menstrua,
sac, alvus stricta &c. Alterum caput constituunt ulcerationes, suppuratio-
nesque lentæ viscerum, videlicet pulmonum, renum, lienis, uteri. In tertio
fese prodeunt variæ humorum degenerum mutationes, quales sunt arthritis, rheu-
matismi, erysypelas; & illæ quæ principio virulento videntur deberi, ut lues

A

venereæ, herpeticæ, scrophulosæ, scabiosæ. Quartum sibi vindicat omnes spasmodicos affectus, quos tamen in propositi nostri partem non admittimus.

Verùm istæ quotquot sunt causæ non sic à se invicem separantur, ut quandoque simul plures non concurrant. Tunc quidem oritur complicatio morbi, quamvis Chronicum non deferat morem; ex intricatis symptomatibus, difficilius indicationes curatorias Medicus eruit, actio medicamentorum luditur, quinimò sese mutuò destruunt. Quid tentandum in hisce rerum angustiiis? Alii projiciunt anchoram, & salutem ægrotantis tempori committunt & naturæ; alii unam solum vel alteram causam superare moliuntur, cæteras interim negligunt, mox seorsim oppugnandas. Felices sanè hæc si prosperè cedant, si sanitatis ad portum, ægrum citius ocyùsve faciant appellere. Verùm certior erit curandi methodus, si legitimum in usum veniat pharmacorum genus peculiare, cujus diversæ species opportunè exhibitæ faciliùs subigant diversas Chronicorum sanabilia causas. Id autem fieri nequit nisi à medicamento, insigni penetrabilitate, solventibus viribus eximiis donato, paucam præterea aut saltem innocuam irritationem producente, & plus ad tonicam actionem commovendam, quam ad excitandum erethismum & constrictionem comparato. Illud quidem suppeditabit hepar sulphureum, tum simplex, tum martiale, adversus venena corrosiva jam præstantissimum, (1) tum etiam mercuriale, antimoniatum, & aliæ species metallicæ; quorum abs re non erit, principia & naturam chemicam paucis exponere.

I I.

QUOTIESCUMQUE sulphur cum alkali fixo, vel calce, vel utroque simul, arte Chemicâ conjungitur, substantia quæ indè obtinetur media, facillimè in aquâ etiam frigidâ solubilis, obscurè flava, odoris nauseosi, saporis ingrati, hepar sulphureum audit. Igitur, ut oleum junctum lixivii menstruo solvitur non suo, sic sulphur quasi saponaceâ indutus naturâ, quam subire nullo modo poterat aquâ jam recipit, & in ipsâ facili negotio dividitur. Quam igitur olei cum sulphure analogiam arguebat ipsorum facilis & mutua in *Rubino sulphuris* conjunctio, eam confirmat similitudo connubii cum alkalinis substantiis. Nonne adeò parem virium medicarum autumare licebit conformitatem?

Saponis autem virtutes egregiæ adversus Chronicos ferè omnes, Medicorum omnium consensu, nec immeritò prædicantur. Quanta in primis hujusce substantiæ efficacia contrâ spissitudines lymphæ, sanguinis, suspensas secretiones, tum

(1) Vid. laudatissimum opus dictum: Contrepoisons de l'arsenic, du sublimé corrosif, du verd de gris & du plomb, &c. 2 vol. in-12. à Paris.

à lentore vel concretionem humoris secretorii, tum etiam à segnitie nativâ organi fecerentis oriundas; quam facile referat impedimenta & obstructions glandularum mesenterii, hepatis, pectoris, renum, uteri &c.; quantum valeat in arthritide chronicâ, & innumeris aliis morbis, jam omnibus palam est. Verùm præsentaneum magis fore saponem quis dubitat, si conjugium olei cum sale alkali institueretur perfectius, si solubilitate integrâ in menstruis aquosis non verò lacteâ gauderet, si etiam in consortium admitteret substantias metallicas adversus morbos Chronicos præstantissimas, videlicet martem, mercurium, antimonium? Quæquidem omninò huc usque in saponem vulgari cum desiderentur, ab hepate sulphureo, alio quidem saponis genere, repetenda sunt. Quomodo solvat martem, mercurium, aurum, demonstravit amantissimus Pater *P. T. Navier* (1). Processus etiam Chemicos proposuit ab omnibus faciliè & modico sumptu iterandos. His etiam qualitatibus hepatis sulphurei & eximie ejus solubilitati illud accedit, quòd exquisitissimâ partium tenuitate, halituque volatili, intimos corporum recessus facillimè penetret.

Nonnihil igitur nostro argumento videtur favere ipsius medicamenti consuetudo chemica, quam tamen nec sufficere certè, nec quidquam absque aliis valere crederemus. Corpus enim sensibilitate regitur. Ea cum sit adeò abscondita, adeò varia mutabilisque & à nostris calculis remota, temeritatis prorsus & ignorantie esset, extructa longè à naturæ foro in artis officinis systemata trahere humanos in usus. Esto igitur suprema lex observatio; nec ante de hepatis sulphurei virtutibus medicis statuere audendum est, quam ipsius in corporis humani œconomiam effectus varios datum fuerit pernoscere.

I I I.

EA est natura illius adunationis, quæ in hepate sulphuris conficiendo oritur ut simplicium substantiarum virtutes minimè destruat vel infirmet, imò verò eas extollat mirum in modum atque intendat. Igitur quid singula seorsim possint hujus compositi principia, primùm exponere liceat, antequam ad ejus actionem, proprietates & usus deveniamus.

In partem hepatis sulphurei veniunt quæcumque alkalina indole donata sunt; alkali utrumque fixum, & illud quod volatile vocant, & calx viva diæta.

Alkalina fixa, humores animales concretos solvere præcipuè si motu vitali adjuncta fuerint, & colliquare valent. Aliundè facillimè, modò temperatè fiat, à nostris vasibus ad-

(1) Contrepoisons,

mittuntur & in extremos canales usque sese insinuant. Illud vix comprobatione indigeret, nisi ipsa argumenta ad propositum nostrum maximè pertinerent. In infarctibus glandularum, in tumoribus etiam inertibus, in ipsis concretis articulo- rum mirè auxiliantur. Nihil laudatum magis in obstructionum curâ, *Viciensibus aquis*. Istæ multum fixi alkalini continent cum sale *Glauberiano* conjuncti.

Volatilia, attenuant, penetrant, solvunt, solutaque per abundantiorē diaphoresim dissipant.

Aqua calcis non solum terræ calcariae paucissimas virtutes continet; sed licet amisso per ignis violentiam aere, forsitan receptis in aeris locum phlogisticis partibus, Calx cum aquâ ruit in mutuos amplexus. Hoc novo connubio dives, tenuissimum & stimulantem spiritum obtinet: nec metus est ne concretorum soliditatem augeat & pertinaciam. Stimulat, attenuat, solvit; testis est virtus lithon- triptica, non immeritò ipsi concessa; testis etiam major est usus ipsius frequens & æquè felix in obstructione lymphaticâ mesentericâ puerorum.

Nihil notius est actione sulphuris medicâ, & contradicentibus multis quos chemica ratiocinia nimium excæcaverant, tenuissimos meatus pervadit atque imbuit & celerrimè ipsius halitu fecerunt canales perspiratorii. Num cum biliosis salibus abit in hepatis sulphurei naturam? Huncce nodum solvere non nostrum est. Certè & in corpus facillimè admittitur & deterget ulcera, pulmones obstructos liberat, & vitia multa ad cutim felici successu propellit. Nec silentio illud pre- mendum est, quòd multis medicamentis admisto sulphure, multum illis irritamenti tollatur, quo partes nervosas concutiunt ac turbant; cujus rei indicium non parvum est collatio antimonii crudi cum ipsius regulinâ parte, cinnabaris & æthio- pis cum mercurio, auripigmenti cum arsenico, & alia multa quæ hic tacere jubet limitum angustia.

Junctis substantiis prædictis, intenduntur Chemicæ virtutes; nonne idem & de Medicis virtutibus autumare licet?

Neque id in theoreticis speculationibus consistit tantum, verum experienciâ de- monstratur. Exemplum ex aquis mineralibus sulphureis, quæ tenuissimo hepate turgent, quarum adeò præstat usus sulphure simplici & alkalinis, ut ipsas quibus impediuntur nervi paralytes, cæteris irritis discutiat ac dissipet, justoque nomine in praxi celebrentur.

De illâ hepatis specie quæ cum volatilibus alkalinis confatur dicere non ausim: quanquam mira ipsius tenuitas quâ in vapores abit conspicuos & abundantes à nemine ignorentur. Verum à ratiocinio ad praxim & res & utilitas & ingenium vocant.

QUATUOR inter supra recensita caufarum genera à quibus Chronici omnes natalia repetunt, quosdam felige cum annexis sibi morbis ex quibus singularum hepatis sulphurei specierum virtus eximia in aperto venit.

Abfit à nobis illa circulatorum audacia quâ se, unico specifici alicujus auxilio, morbos omnes absque methodo, jaçant curaturos. Non omni tempore, neque cunctis in casibus convenit nostra propositio. Antequam scilicet demptus sit irritationis metus omnis, neque impactam nimis materiem activo nimium remedio oppugnare audebimus. Prima morbi exordia tentanda sunt leni aperientium vegetabilium actione; succique saponacei aditum faciliorem intra viscera præbere debent. Ausis sensim medicamentorum viribus ad fortiora devenimus. Tunc temporis, justoque etiamnum moderamine utentes, hepatis sulphurei usum aggredimur, neque legitimam expectationem fallit experientia.

Obstructionum genus omne, tam frequentia casuum quam specierum varietate notabile, vastum observationibus & experientiae campum aperit. Liceat differentiam hic ponere quadruplicem. Primam obtrinebit obstructio quam parit crassior secretorum humorum inspissatio intra proprios canales; quo loco eam respondere est quam dicemus biliosam. Forsan & hujus ordinis essent infarctus calculosi, qui tamen cum intra majores potius cavitates ductusque quam intra mæandros organicos informantur, minus ad nostrum propositum videntur pertinere. Altera differentia dabitur ab obstructione Catharrali lentâ, qualis in Asthmaticis aliisque pulmone infarcto laborantibus observatur. Tertiam dabit glandularum infarctus lymphaticus seu lymphæ in ipsis suis officinis, (1) circuli que primariis organis inspissatio. Ultimum sibi demum vindicabit ordinem tenuior illa quæ solis suis effectibus manifesta, nullis obvia per se sensibus est, quæ varias paralyses efficit quas præcipue post apoplexias observamus, & quæ dici poterit obstructio lymphatica tenuior.

In biliosis igitur analogiâ ducti, biliosorumque principiorum cum sulphureo-hepaticis convenientiâ, remedii nostri usum proponere nulli dubitarem, nisi parva grandibus debellare velle videremur. Nisi enim, vel ægrorum incuriâ vel medentis imperitiâ res eò perducta fuerit, ut vix non destructo organo, scirrholoque facto viscere sanationis spes omnis abjicienda sit, plerumque saponaceorum sucorum usu, aquisque vicientibus demum ac Passiacis martialibus, cura feliciter absolvitur.

(1) Vide nostram Thesim Physiologicam: *An systema glandulosum lymphæ officina* 1776.

Catharrum his auxiliis debellare non necesse semper nec utile credimus. At ubi pulmoni infedit frigida labes, laxoque visceri inhærens viscida materies, ipsâ morâ pertinaciam acquisit, tum sulphurei hepatis usus non mediocriter ad curationis perfectionem conferet. In causâ nostrâ adminiculum advocare liceat experientiam quàm ex felici Kermetis mineralis & aquarum sulphurearum adhibitione hic jure nostro vindicamus. Quamvis enim ipsius Kermetis analysi diffilior huc usque fuerit, quàm ut perspicuè in ipso demonstrari possit antimonii solutio in sulphureo composito, ipsius tamen confessio id suadet, & accedit clarissimorum virorum auctoritas qui ipsum, *hepar antimoniatum* vocare non dubitaverunt.

Ubi in glandularum lymphaticique systematis ambagibus inspissatur lymphâ, laudatur meritò mercurialium & antimoniatorum actio. Verùm itâ sæpè induratur ut parietibus organorum veluti concresecat gypsea, vulgaribus non cessura remediis; tunc enim in multis requisita partium tenuitas desideratur. Plurima verò ex iis, subtilitatem quam salinâ sub specie ab acidis confortibus acceperunt, stimulis mordacibus, imò & corrosivâ indole infestam præferunt ac meritò prudentioribus reformidandam. Nonne igitur pretiosis remediis innocuam tenuitatem conciliare potens est sulphuris hepatici societas. Hujus vis blandior, pungens mentis, amica magis, actionem fibrarum auget, & dum halituosâ nervos pervadit naturâ, vires corporis in consortium vocat; sic in usus Medicos duci potest hepar sulphuris, tum mercuriale, tum antimoniatum; nostramque theoriam confirmavit dudum experientia non mea sed paterna de usibus hepatis sulphurei mercurialis (1), neque præterea novum est sulphureis ex alto decidentibus aquis & ipsarummet balneis resolvi concreta quæ circa articulos, tum morâ diuturnitate, tum loci naturâ sæpè foventur difficillimamque & inertem maximè constituunt obstructionis lymphaticæ speciem.

Quantum obstructionis genus, si soli theoriæ vellemus inhærere, irresolubile prorâ curæque nescium profectò diceremus. At animos addit observatio bonorum ferax. Depulsâ scilicet appoplexiâ, hæret artubus malum, omnisque motûs oblita membra collabuntur, absque ullo infarctûs notabilis exteriori signo. Non tamen rarum est tales omninò curari paralytices usu longo primò quidem Bellilucanarum, sale efficaci divitum, deinde verò potu vel duciis ex sulphureis illis quas terra fundit in vicis dictis *Cauterex* & *Bourbonne-les-bains*.

Actum esset jam de usu hepatis sulphuris in obstructionum curâ nisi aliquam hic sibi partem deposcere videretur hepar martiale. Ubi scilicet confirmanda est cura,

(c) Contrepoisons. Tom. II. pag. 206 & suivantes.

ad martialia veniunt practici, quorum ope tonus & actio sollicitantur durabiles & ab aperientibus solventibusque ad hanc partem descendere gradatim solent. Vim duplicem nec sperendam feret hepar martiale, & dum solvit pellitque mali reliquias debitum simul robu addit, tonicorumque partem implet.

Infarctibus autem plurimis viscerum & obstructionibus, quoquo modo fiant succedunt sæpissime ulcera, lentæque suppurationes, phisefque, sive altera chronicorum cohors. Fere desperatum genus! Si tamen & vires sufficiant & pateat exitus nec aliè infecti humores perpetuam referant mali scaturiginem, licet meliora confidere. Utinam detergeretur ulcus, expulsâque infarcti visceris labe consolidatum coalesceret! Usi fuerunt aliquando non infeliciter balsamicis, aquâ calcis & sulphure. Hæc duo ultima conjungit hepar sulphuris calce comparatum. Nec repugnat experientia. Dudum novimus in ipsis pulmone suppurante laborantibus quantum potuerit usus aquarum quæ dicuntur de *Barrutges* & illarum quæ minori principiorum quantitate turgent, dictarum de *Bagnères*. Ipsarum illustravit efficaciam celeberrimi hujus scholæ magistri auctoritas.

Quid grandibus scrophulis ulceratis, quid Cancris conveniat, nihil dicimus nec enim ad scopum atinent.

Vix disquisitione ullâ indiget usus sulphureorum adeò notus in vitiis illis quibus humorum tenuiorum indoles corrumpitur. Nam quod venerea spectat sat comprobatum est quantam ex hepate sulphuris mutuetur efficaciam mercurius. Scrophulosi infarctus jam disti sunt; vitiisque ad cutem spectantibus, herpeticis, scabiosis, erysipelatosis jam dudum per sulphurea medicamenta prospectum novimus.

Sed quamvis non parum inde emolumentum capiant rheumatici affectus, laudum & encomiorum nimis certè prodigi videremur, si arthritidem curæ felicioris huc usque neiciam hepatis nostris subjiceremus.

Idis igitur terminis includitur hepatum sulphureorum in chronicis efficacia. Ipsa enim in spasmodicis affectibus commendare nec audemus nec volumus, palmam ipsis præripientibus tot ex triplici regno substantiis experientiâ comprobatis.

V.

VERUM, si hepar sulphureum tum internè, tum externè usurpatum, eodem modo chronicis medeatur quam aquæ sulphureæ minerales, ad quid pharmacum officinale proponere, dum idem forsitan præstintius natura suppeditat? Infirrum sanè argumentum! Etenim ubique aquas minerales sulphureas non reperies. Magno etiam illas sumptu, è remotis regionibus accerfes. Omnem fere virtutem amittunt tum morâ, tum itinere. Vix ullam insuper particulam metallicam solutam tenent, nisi quandoque tantillum martis quod citissimè præceps decidit. Nec tibi licet augere

vel imminuere ipsarum actionem, adauctis, vel imminutis principiis. Econtrà hepar sulphureum exhibebis vel simplex, vel martiale, vel mercuriale, vel stibiatum. Ministrabis internè, aut solum in menstruo aquoso, aut contractum in pillulares massas. Externè more balneorum usurpabis. Non excludit, imò etiam admittit alia præsidia in variis chronicis indicata. In quovis vehiculo, excepto tamen acido nudo exhibebis, infuso verbi gratià amaro, aromatico, antiscorbutico, antivenero, &c. Licebit adhuc fociare salia multa. Verbo dicam, ad indicationum normam, omni loco, omni tempestate, pro ætate, sexu, temperamento, viribus, diversâque imprimis morbi indole, medicus accommodabit hepar sulphureum multiplex,

Ergò variis Chronicis variæ Hepatis sulphurei species,

DOMINI DOCTORES DISPUTATURI.

<i>M. Joannes - Baptista - Eugenia</i>	<i>M. Joannes COLOMBIER.</i>	<i>M. Joannes DESCOMET.</i>
<i>DUMANGIN.</i>		
<i>M. Thomas LEVACHER DE LA</i>	<i>M. Joannes - Carolus DESES-</i>	<i>M. Maximilianus - Josephus</i>
<i>FEUTRIE.</i>	<i>SARTZ, Saluberrimæ Facul-</i>	<i>LEYS.</i>
	<i>tatis Decanus.</i>	
<i>M. Bertrandus DUPUY, Scho-</i>	<i>M. Joannes - Baptista LAN-</i>	<i>M. Marinus - Jacobus - Clarus</i>
<i>larum Professor,</i>	<i>GLOIS, Chirurgiæ Latino</i>	<i>ROBERT, Serenissimi Ducis</i>
	<i>Idiomate, Professor designa-</i>	<i>Bipontini, dum viveret,</i>
	<i>tus.</i>	<i>Archiatræ, nec non à Confe-</i>
		<i>liis & Secretis.</i>

Proponebat Parisiis TUSSANUS-CLAUDIUS-NICOLAUS NAVIER;
Catalaunus, Doctor Medicus Remensis, nec non Medicus Parisiensis, Theſeas
Auctor. A. R. S. H. 1778. A SEXTA AD MERIDIEM,